



Republika ng Pilipinas
Lalawigan ng Laguna
BAYAN NG LOS BAÑOS
Special Science and Nature City

TANGGAPAN NG SANGGUNIANG BAYAN
Municipal Hall, National Highway, Brgy. Timugan,
Los Baños, Laguna 4030 Philippines
Email: losbaños@laguna.net

SINIPI SA KATITIKAN NG IKA-LABING TATLONG (13TH) PANGKARANIWANG PULONG NG SANGGUNIANG BAYAN NOONG MARSO 30, 2020 NA GINANAP SA SANGGUNIANG BAYAN SESSION HALL, NATIONAL HIGHWAY, BRGY. TIMUGAN, LOS BAÑOS, LAGUNA.

Mga Dumalo : Bise Alkalde Antonio L. Kalaw, Presiding Officer
Konsehala Josephine S. Evangelista
Konsehal Janos S. Lapiz
Konsehal Geronimo A. Ciceron
Konsehal Marlo PJ A. Alipon
Konsehal Mike Dexter A. Concio
Konsehal Mark Lester B. Dizon
Konsehal Cris Dayril B. Bagnes
Konsehala Arlene P. delos Santos, Pangulo ng Liga ng mga Barangay
Konsehala Jozylyn N. Manansala, Pangulo ng Pambayang Pederasyon ng Sangguniang Kabataan
Kalihim Dona T. Alborida
Gng. Felomina I. Lincallo, LLSO I

Di-Nakadalo : Konsehal Miko C. Pelegrina (O.B.)

Panauhin : Wala

KAPASIYAHAN BLG. 2020-75

KAPASIYAHAN NA IMINUMUNGKAHI ANG PAGTANGKILIK NG “ODD-EVEN SCHEME” NA ISKEDYUL PARA SA PAMILIHANG BAYAN MAGING SA IBA PANG PROBISYON NA KAAKIBAT NG UNIFORM QUARANTINE PASS TULAD NG PAGBILI AT PAGPUNTA SA MGA TINDAHAN NG GROCERY, SUPERMARKET, BOTIKA AT IBA PANG KAHALINTULAD NA ESTABLISYIMENTO MALIBAN KUNG MAY MGA EMERGENCY CASE.

Mayroon na: Konsehala/Konsehal Josephine S. Evangelista, Janos S. Lapiz, Geronimo A. Ciceron, Marlo PJ A. Alipon, Mike Dexter A. Concio, Mark Lester B. Dizon, Cris Dayril B. Bagnes, Arlene P. Delos Santos and Jozylyn N. Manansala

SAPAGKAT, noong Marso 8, 2020, nag-deklara si Pangulong Rodrigo Roa Duterte ng *State of Public Health Emergency* sa buong bansa kasunod ng pagtataas sa Code Red ng Kagawaran ng Kalusugan (Department of Health o DOH) sa alerto sa coronavirus disease o COVID-19;

SAPAGKAT, noong Marso 16, 2020, idineklara ang *State of Calamity* sa buong bansa dahil sa pagkalat ng COVID-19;

SAPAGKAT, ayon na rin sa pagdeklara ng *State of Public Health Emergency at State of Calamity*, itinaas ang *Enhanced Community Quarantine (ECQ)* sa buong Luzon at ang pagpapaigting ng pagpapatupad ng *Social Distancing Measures* upang mapigilan ang pagkalat ng COVID-19;

SAPAGKAT, ilan sa mga nakasaad na patnubay sa nasabing pagtataas ng ECQ ay ang istriktong pagpapatupad ng *home quarantine* kung saan pinapayuhan ang mga tao na manitili sa kanilang mga tahanan at pinagbabawalan ang paglabas maliban na lamang kung kailangang bumili ng pagkain at gamot;

SAPAGKAT, ang *Inter-Agency Task Force* (IATF) para sa COVID-19 ng lokal na pamahalaan ay naglabas ng mga patnubay at palatuntunan hinggil sa ECQ kung saan isa na rito ang pagbibigay ng Uniform Quarantine Pass sa bawat tahanan sa labing-apat (14) na barangay. Tanging isa lamang ang bibigyan ng pass kada isang tahanan na gagamiting dokumento para makalabas upang bumili ng pagkain at gamot;

SAPAGKAT, dahil sa ipinatutupad na *Stringent Social Distancing Measures*, nililimitahan ang mga mamimili na maaaring pumasok sa pamilihang bayan o palengke, tindahan ng grocery, mga supermarket at botika na nagreresulta sa mahabang pila sa labas ng mga nasabing establisyimento;

SAPAGKAT, ang IATF para sa COVID-19 ng lokal na pamahalaan ay nagpulong noong ika-29 ng Marso, 2020 at napagkasunduan na magpatupad ng “odd-even scheme” para sa iskedyul ng pamimili sa mga pamilihang bayan sa Los Baños. Hinati sa dalawang cluster (*odd-scheduled at even-scheduled*) ang 14 na mga barangay. Ang odd at even na numero ay tumutukoy sa petsa. Halimbawa, kung ang petsa ay pumatak ng ika-1 ng Abril, tanging ang mga naninirahan sa barangay na nasa *odd-scheduled* lamang ang pahihintulutan na lumabas upang bumili ng pagkain o gamot. Ngunit ang sanggunian ay binibigyang diin na kung may emergency case, maaaring ipagpaliban ang sinasabing “odd-even scheme” na iskedyul;

SAPAGKAT, naniniwala ang Sangguniang Bayan na ang pagpapatupad ng “odd-even scheme” sa iskedyul ng pamimili sa palengke, supermarket at botika ay makakatulong upang mabawasan ang mga taong kinakailangang lumabas;

KUNG KAYA'T DAHIL DITO, sa mungkahi ni Konsehal Marlo PJ A. Alipon pinangalawahan ni Konsehal Mike Dexter A. Concio at buong pagkakaisang sinang-ayunan ng lahat ng konsehal na dumalo sa pulong;


IPINASIYA, GAYA NG MAGALANG NA PAGPAPASIYA, Kapasiyahan na iminumungkahi ang pagtangkilik ng “odd-even scheme” na iskedyul para sa pamilihang bayan maging sa iba pang probisyon na kaakibat ng uniform quarantine pass tulad ng pagbili at pagpunta sa mga tindahan ng grocery, supermarket, botika at iba pang kahalintulad na establisyimento maliban kung may mga emergency case.

PINAGTIBAY: MARSO 30, 2020

PINATUTUNAYAN KO ang kawastuan ng Kapasiyahang ito.

PINATOTOHANAN:

KGG. ANTONIO L. KALAW
Bise Alkalde/Tagapangulo


DONA T. ALBORIDA
Kalihim para sa Sangguniang Bayan